

399

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj dana 28.07.2016.godine donijela:

Z A K O N

O IZMJENAMA I DOPUNAMA ZAKONA O KONCESIJAMA HERCEGOVAČKO-NERETVANSKOG KANTONA

Član 1.

U Zakonu o koncesijama Hercegovačko-neretvanskog kantona („Službene novine HNK“, broj: 1/13), u članu 6., iza stava (4) dodaje se stav (5) koji glasi:

„Rokovi iz stava (1) i (2) ovog člana mogu se produžiti ukoliko je to drugačije regulisano u materijalnom propisu koji se odnosi na predmet koncesije“.

Član 2.

U članu 7. stav (1) tačka b) alineja 5) mijenja se i glasi:

„Proizvodnja električne energije instalirane snage od 23,1 kW do 5 MW.“

U članu 7. stav (1) tačka n) mijenja se i glasi:

„Zemljište u državnoj svojini za izgradnju novih i rekonstrukciju postojećih objekata za proizvodnju električne energije i izgradnja novih i rekonstrukcija postojećih objekata za proizvodnju električne energije na tom zemljištu ili izgradnja novih i rekonstrukcija postojećih objekata za proizvodnju električne energije na privatnom zemljištu i to:

- 1) postrojenja za pretvaranje pogonske snage vjetra u električnu energiju instalirane snage od 23,1 kW do 5 MW po instaliranoj jedinici;
- 2) postrojenja za pretvaranje energije sunca u električnu energiju instalirane snage od 23,1 kW do 5 MW;
- 3) ostali energetske objekti instalirane snage od 23,1 kW do 5 MW.“

Član 3.

U članu 8. stav (2) riječi: „usklađenosti predmeta koncesije s prostorno planskom dokumentacijom i ekonomskim interesom jedinice lokalne samouprave“ brišu se, a umjesto toga dodaju riječi: „interesu

jedinice lokalne samouprave za dodjelom predmetne koncesije“.

U stavu (3) briše se tačka i dodaju riječi: „ukoliko je dodjela predmetne koncesije usklađena s prostorno planskom dokumentacijom za lokaciju na koju se prijedlog odnosi.“

Dodaje se novi stav (5) koji glasi:

„Izuzetno, u slučaju da u jedinici lokalne samouprave nisu konstituisani organi u zakonskim rokovima, Vlada Hercegovačko-neretvanskog kantona će svojom odlukom definisati procedure iz stavova (2) i (3) ovog člana za tu jedinicu lokalne samouprave.“

Član 4.

U članu 9. stav (1) mijenja se i glasi:

„(1) Koncesor, na prijedlog resornog ministarstva, može ovlastiti jedinicu lokalne samouprave da donese odluku o pristupanju dodjeli koncesije za predmete koncesije koji se nalaze na njenom području.“

Iza stava (1) dodaje se stav (2) koji glasi:

„(2) Odluka se donosi uz prethodno pribavljeno mišljenje resornog ministarstva.“

Dosadašnji stavovi (2) i (3) postaju stavovi (3) i (4).

Član 5.

U članu 10. stav (1) tačka a) iza riječi: „Zakona“ iza zarez dodaju se riječi: „i u slučaju kada je jedinica lokalne samouprave koncesor“.

U članu 10. stav (1) tačka b) iza riječi: „koncesije“ iza zarez dodaju se riječi: „osim u slučaju kada je jedinica lokalne samouprave koncesor“.

U članu 10. stav (1) tačka d) iza riječi: „obaveza“ iza zarez dodaju se riječi: „osim u slučaju kada je jedinica lokalne samouprave koncesor“.

U članu 10. stav (1) tačka e) iza riječi: „naknade“ iza zarez dodaju se riječi: „osim u slučaju kada je jedinica lokalne samouprave koncesor“.

U članu 10. stav (1) tačka f) iza riječi: „potrošačima“ iza zarez dodaju se riječi: „osim u slučaju kada je jedinica lokalne samouprave koncesor“.

U članu 10. stav (1) tačka g) iza riječi: „koncesionara“ iza zarez dodaju se riječi: „osim u slučaju kada je jedinica lokalne samouprave koncesor“.

U članu 10. stav (1) tačka h) iza riječi: „ulaganja“ briše se „i“ i dodaju riječi: „osim u slučaju kada je jedinica lokalne samouprave koncesor“.

Član 6.

U članu 13. stav (4) tačka m) briše se tačka na kraju rečenice, stavlja zarez i dodaju riječi: „kao i Izvod iz prostorno planske dokumentacije za lokaciju na koju se prijedlog odnosi. Ukoliko se radi o koncesiji za poljoprivredno zemljište u državnoj svojini prilaže se i izvod iz Programa gospodarenja poljoprivrednim zemljištem u državnoj svojini koji donosi jedinica lokalne samouprave.“

U članu 13. dodaje se stav (6) koji glasi:

„(6) Ukoliko dodjela koncesije nije u skladu s prostorno planskom dokumentacijom podneseni prijedlog iz stava (1) ovog člana neće se razmatrati, o čemu će se podnosiocu zahtjeva dostaviti obavještenje, bez prava na podnošenje prigovora.“

Član 7.

U članu 28. dodaje se stav (9) koji glasi:

„(9) Ukoliko je ranije vođen postupak za dodjelu koncesije po samoinicijativnoj ponudi i ako nije pozitivno riješen po podnosioca zahtjeva, isti podnosilac ne može na osnovu istovjetne dokumentacije ponovo podnijeti prijedlog za dodjelu koncesije za isti predmet koncesije.“

Član 8.

U članu 31. stav (1) riječi: „30 dana“ mijenjaju se riječima: „60 dana“.

Iza stava (1) dodaje se novi stav (2) koji glasi:

„(2) Ukoliko se iz opravdanih razloga rok iz stava (1) ovog člana ne može ispoštovati, isti se može po prijedlogu resornog ministarstva prolongirati do otklanjanja razloga koji onemogućavaju zaključenje ugovora o koncesiji, o čemu će Vlada kao koncesor donijeti odluku.“

Član 9.

U članu 60. stav (1) riječi: „od 1.000,00 KM do 10.000,00 KM“ mijenjaju se riječima: „od 10.000,00 KM do 15.000,00 KM“.

U članu 60. stav (2) riječi: „od 100,00 KM 3.000,00 KM“ zamjenjuju se riječima: „od 500,00 KM do 5.000,00 KM“.

U članu 60. stav (3) riječi: „od 10.000,00 KM do 15.000,00 KM“ zamjenjuju se riječima: „od 15.000,00 KM do 25.000,00 KM“.

U članu 60. stav (4) riječi: „do 3.000,00 KM“ zamjenjuju se riječima: „do 5.000,00 KM“.

U članu 60. stav (5) riječi: „od 500,00 KM do 1.500,00 KM“ zamjenjuju se riječima: „od 2.000,00 KM do 10.000,00 KM“.

Član 10.

Član 61a. briše se.

Član 11.

Dodaje se član 62 a. koji glasi:

„Član 62a.

Vlasnici elektroenergetskih objekata na području Hercegovačko-neretvanskog kantona dužni su potpisati ugovor o koncesiji u roku od 180 dana od dana stupanja na snagu ovog Zakona, pod uslovom da ispunjavaju uslove propisane ovim Zakonom i ostalim propisima kojim je regulisana ova oblast.“

Član 12.

Dodaje se član 65 a. koji glasi:

„Član 65a.

„Postupci za dodjelu koncesije iz člana 7. stav (1) tačka n) Zakona o koncesijama Hercegovačko-neretvanskog kantona, koji do dana stupanja na snagu ovog Zakona nisu okončani, završit će se po odredbama ovog Zakona.“

Član 13.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj:02-01-XIX-220/16
Mostar,28.07.2016.godine

P R E D S J E D A V A J U Ć I
Šerif Špago,s.r.

400

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04) i člana 95. Poslovnika Skupštine Hercegovačko-neretvanskog kantona („Službene novine HNK“, broj: 2/05), Skupština Hercegovačko-neretvanskog kantona na sjednici održanoj dana 28.07.2016. godine, donijela je sljedeći

ZAKLJUČAK

Zakon o i
prihoda Her
, koji je dor
održane 28.0
na povećanj
u HNK, de
učenika u
lokalne samo

U slučaju
jedinici loka
financiranja
obezbijedit
odluci koju

Zadužuje
izvrši analiz
Zakona o
izmjenama
predloži potr

Zaključak
„Službenim

Bosna i Hero
Federacija B
Hercegovačl
S K U P Š T

Broj: 02-01-
Mostar, 28.